

Program pembangunan sosial

Utama kebajikan rakyat

OLEH ERMIZI MUHAMAD

BATU CAVES - Bantuan kewangan RM26 juta sudah dibelanjakan Kerajaan Negeri menerusi komitmen tanggungjawab sosial Kumpulan Perangsang Selangor Berhad (Perangsang) kepada masyarakat, di negeri itu.

Dato' Menteri Besar, Dato' Seri Mohamed Azmin Ali berkata, inisiatif itu dilaksanakan di bawah program berkebakjikan dan pembangunan sosial membabitkan kepentingan rakyat seluruh negeri.

Katanya, Perangsang sebagai syarikat milik Kerajaan Negeri berpegang kepada prinsip tidak memikirkan untung sahaja, sebaliknya mengagihkan keuntungan dengan memberi dividen kepada rakyat.

"Dalam tempoh enam tahun, Perangsang sudah membelanjakan RM26 juta sebagai sokongan bagi melaksanakan tanggungjawab sosial kepada rakyat dalam bentuk inisiatif pembangunan kebajikan Selangor.



Mohamed Azmin bersama sebahagian penerima sumbangan pada Majlis Perasmian Karnival Inisiatif Peduli Rakyat di Padang Awam Kampung Baru Batu Caves, Gombak

"Inilah prinsip berkebakjikan dipegang pentadbiran Kerajaan Negeri kerana tiada maknanya kita mengurus sebuah syarikat jika hanya fikir keuntungan sahaja," katanya.

Untuk rekod, Perangsang berperanan sebagai syarikat

milik Kerajaan Negeri yang bertanggungjawab mempromosikan inisiatif 38 program Inisiatif Peduli Rakyat (IPR).

Komitmen berkenaan dilaksanakan di peringkat akar umbi menerusi penganjuran karnival dan program turun padang

bagi memberi pendedahan kepada rakyat berhubung pelaksanaannya, di peringkat negeri.

Terdahulu, Mohamed Azmin hadir pada Majlis Perasmian Karnival Inisiatif Peduli Rakyat di Padang Awam Kampung Baru Batu Caves, Gombak di

sini, pada 12 Ogos lalu.

Hadir sama, Exco Pembangunan Generasi Muda, Sukan, Kebudayaan dan Pembangunan Usahawan, Amirudin Shari dan Ahli Lembaga Pengarah Kumpulan Perangsang, R Si-varasa.